

# Gernika-Lumoko bide publikoan **BISITA GIDATUAK** egiteko



## JARDUNBIDE EGOKIEN ESKULIBURUA

bat

### Talde turistikoak 30 pertsonara mugatzea

eta haien tamaina bisitatzen diren espazioen arabera egokitzea. Pertsonen pilaketak saihestuko dira. Halaber, taldeen tamaina murriztuz gero, zerbitzu gidatuak kalitate hobea izango du.

bi

### Soinua anplifikatzeko gailurik ez erabiltzea

eta azalpenak ez ematea soinu-intentsitate handiarekin, bide publikoko kutsadura akustikoa murrizteko. Ahal den neurrian irratigidasistemak erabiltzeko konpromisoa.

hiru

### Taldeei azalpenak emateko geldialdiak

hiriko eguneroko bizitzan eragozpen eta disrupzio gutxi eragiten duten espazioetan egitea.

lau

### Ondare arkitektonikoa eta espazio publikoa zaintzea

eta eskultoretan edo monumentuetan bermatzea, bide publikoa zikintzea eta halako portaerak saihestea.

bost

### Bisita gidatuen hasiera-puntuak, geldialdiak eta amaiera-lekuak behar bezala aukeratzea.

Horrela, eraikinetarako eta merkataritza-lokaletarako sarrerak blokeatzea saihesten da, eta ez zaie igarobidea oztopatzen beste pertsona eta talde batzuei.

**Arreta berezia eskainiko zaie mugikortasun urriko pertsonari. Oinezko ibilbideak bisitatuko den zonako ordutegien arabera planifikatzea lagungarria izan daiteke jende gehien izaten duten kaleetan pilaketak murrizteko.**

sei

### Zirkulazio-arauak

eta, bereziki, mugikortasun turistikorako arau espezifikoak **ezagutzea: arreta jarri beharko da bidaiariak jaso eta jaisten diren puntuetan**, eta turismo-autobusak behar bezala aparkatzen direla zaindu beharko da. Gidek talde osoa zehaztutako elkargu leku dagoenean abisatuko diote autobusari etortzeko

**zazpi**

## **Gernika-Lumoko Udalak autobusez iristen diren bisitariak jasotzeko eta jaisteko guneak sortuko ditu.**

turismo-fluxuen kontzentrazioak saiheste aldera. Bidaariak horretarako baimendutako leku berezietan baino ezin izango dira jaso eta jaitsi.

**zortzi**

## **Garraio publiko kolektiboak erabiltzen dituzten bisitak irratigida-sistemekin egin beharko dira, eragozpenak minimizatzeko.**

Giden kolektiboak konpromisoa hartuko du azalpenak gainerako erabiltzaileei eragozten ez dioten bolumenean emateko. Era berean, kontuan izan eta errespetatu egin beharko dira garraio publikoetan erabilera desberdinak dituzten espazioak (adib.: taldea ezin izango da jarri mugikortasun urriko pertsonentzat, bizikletentzat eta abarrentzat gordetako eremuetan).

**bederatzi**

Gomendatutako gehieneko talde-tamaina bermatzeko eta zonen balizko saturazioa saihesteko,

## **giden kolektiboak konpromisoa hartuko du bide publikoan turistarik ez erakartzeko.**

Bisita gidatuetan parte hartzen dutenei argi eta garbi emango zaie bisita gidatuaren kontzeptuaren eta ordaindu behar den ordainsariaren berri, inolako nahasmenik, engainurik eta anbiguotasunik gabe.

**hamar**

## **Bide publikoari buruzko ordenantzak ezagutzea eta betetzea:**

Gernika-Lumoko Udalak behar den lana egingo du gidek araudien eta ordenantzen eguneratze berriei, seinaleztapenari edo bide-aldaketei buruzko informazioa izan dezaten.

**hamaika**

## **Giden kolektiboak turismo-baliabideei eta bisitatzen den espazioari buruzko ezagutza objektibo eta eguneratu zabalak izango ditu, aurreiritzirik transmititu gabe.**

Azalpenak emango dituzten hizkuntzan maila ona izango dute. Gernika-Lumoren izaera definitzen duten kultura, identitate eta ohiturei buruzko azalpenak emango dituzte.

**hamabi**

## **Giden kolektiboak udalaren eta bisita gidatuetako profesionalen artean ezar daitezkeen bisiten komunikazio- eta erregistro-sistemen erabilera sustatuko du:**

erregistroa, abisuak, alertak sortzea, informazio interesgarria, etab.



**Eskerrik asko**

**GERNIKA-LUMO**

**aparteko helmuga bihurtzeagatik!**

**Informazio gehiago:**

**[gernikainfo.eus](http://gernikainfo.eus)**